

IKS patuh syariah

SAUDARA PENGARANG,

MASALAH dan cabaran industri kecil dan sederhana (IKS) dalam mematuhi operasi patuh syariah melibatkan pengusaha bidang penternakan dan perikanan adalah isu penyembelihan, pemakanan dan penjagaan.

Pengusaha-pengusaha IKS perikanan perlu diberi pendedahan maklumat mengenai operasi patuh syariah yang suci dan bersih. Jabatan Kemajuan Islam Malaysia (Jakim) juga perlu menyenaraikan semua pembekal makanan ikan di Malaysia bagi memastikan mereka patuh syariah.

Keperluan patuh syariah meliputi sistem pengairan yang berkesan supaya dapat mengalirkan kotoran dan najis. Ilmu tentang operasi patuh syariah pengusaha IKS sesuai disampaikan melalui kuliah-kuliah di masjid.

Langkah seterusnya, pengusaha IKS perlulah mempraktikkan amalan-amalan



PROSES pembungkusan keropok keping dalam sebuah kilang IKS. - GAMBAR HIASAN/UTUSAN

patuh syariah dalam operasi penternakan dan perikanan seperti membeli makanan ternakan yang suci dan tempat ternakan dalam keadaan sentiasa bersih.

Contohnya, bagi kolam ternakan ikan perlulah mempunyai saluran pengairan yang baik dan bersih supaya air digunakan itu tidak tercemar.

Pengusaha-pengusaha IKS penternakan dan perikanan perlu mempunyai ilmu tentang patuh syariah

dan harus mempraktikkan operasi patuh syariah untuk kebaikan masyarakat umum dalam mengelakkan sebarang keraguan dalam pengambilan makanan seharian mereka.

**PROF. MADYA DR.
FAUZIAH MAHAT**

Fakulti Ekonomi dan Pengurusan
Universiti Putra Malaysia